



“Signur, confermeia söa empormetüda d’amur önn por l’ater.”

La ploania i fej les miús aodanzas de benedisciun y fortuna ai nüc **Albert Palfrader y Veronica Ellecosta** co se dá adöm tal sacramont dal matrimone en sabeda ai 15 de otober sön Fanes.



La ploania i dij der **bel iolan y Dio ti al páii al mone Jep Palfrader** por so laur fat con lezitonza y pasciun 28 agn alalungia por nosta comunité y al sorvisc dla liturgia. I ti aodun döt le bun y bona sanité.

- **Sontada deboriada dal consei pastoral y dal grup de liturgia en jöbia ai 13 d’otober ales 20:00: le dagní dai conseis de ploania.**
- **Pelegrinaje: en sabeda ai 22 d’otober** él les ploanies d’La Pli y d’Al Plan co va a Weißenstein, por passé la Porta Santa, daorida te cösc Ann dla Misericordia. Prenotaziuns pa maestra Brigitte, ☎ 338 9316650.
- **Schira Jonila: en domegna ai 9 d’otober** met man l’ativité dla Schira Jonila. Le grup s’encunta ca. vigne chinescdé, la domegna do la gran messa y ven acompagné dales animadesses Manuela Rigo, Brigitte Terrabona, Elisa Willeit y Marlies Ellecosta.
- **Curs de pilates:** le KVV met a jí n curs pilates von Marta Willeit. I s’encuntun 10 iadi, vigne dedemesaledema ales 20:00 te palestra de scora. Le pröm iade sará en **dedemesaledema ai 12 d’otober**, preibel se tó empara na "matte". Informaziuns y prenotaziuns pa Barbara de Baldessé, ☎ 380 7110555.

1 informaziuns y termins

Conzert: en vendres ai 14 d’otober ales 20:00 sarál “Il Pinzimonio Vocale” adöm al orghelist da Milan Davide Pozzi co portará dant musiga sacrala de Claudio Monteverdi (1567-1643) tla dlijia de San Linert a Badia.

Wenn viele kleine Leute in vielen kleinen Orten viele kleine Dinge tun, können sie das Gesicht der Erde verändern.

Döt le bun a: Vesco Ivo Muser ordinaziun 09.10.2011
 Otto Paul Erlacher, *Bornech* * 11.10.1935
 Maria Rigo Daverda * 11.10.1935
 Metilde Frontull ved. Vollmann * 12.10.1914
 Ida Elena Pedevilla * 15.10.1936
 y a düc chi co á santennom y complesc i agn cöst’edema

Impressum: Ploania d’La Pli; redaziun Franz Rigo y Edith Willeit
Comunicaziuns cina al **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



“Al sii ringrazié Idio”

📖 2 Resc 5, 14–17 | 2 Tim 2, 8–13 | Lc 17, 11–19

Dal Vangelo do San Lúca:

¹¹Söle tru da jí a lerúsalem é Gejú passé por le raiun de confin dla Samaría y dla Galilea. ¹²Canch’al orea jí te n paisc, ti él gnü diesc levrusc adancuntra. Ai é stés chic dalunc ¹³y scraiâ: Gejú, maester, menete picé de nos! ¹⁴Canch’al i â odü, ti ál dit: Jide, mostrésse ai prei! Y dertan ch’ai jea dai prei, éσαι diventés nec. ¹⁵Mo önn de chi á dé ota, do ch’al á odü ch’al ea varí; y al laldâ Idio con usc sterscia. ¹⁶Al s’á peté jö ia por tera dan i písc de Gejú y l’á rengrazié. Cösc el ea da Samaría. ¹⁷Danló á Gejú dit: Ai é pö gnüs nec düc diesc. Olá é pa i atri nö? ¹⁸N’él sté degügn co á dé ota por onoré Idio, ater co cösc forest? ¹⁹Y al ti á dit: Lea sö y va! Töa fede t’á salvé.

I ponsun do

Nos aratun trepes cosses logiches y nia scincunda. Al é tler por nos ch’i podun vire, ch’i án val da mangé y ch’al é jont co s’ö bun. La fede met man olách’i se destacun da cösta spensirateza y reconesciun che döt é na scincunda: vigne parora, vigne odlada, vigne s’la rí y vigne desponibilité. Deache chel co é bun da dí iolan y ne tól nia plü döt por logich daür i edli sön Chelbeldio co se scinca döt. La reconescionza é le meter man dla fede.



I periu

Beldio, bun Pere, i te dijun iolan de döt ci che te se scinches vigne de. Deidesse ester porsones co ponsa sora y co dij iolan. Por Crist, nosc Signur.

Wilhelm Egger “Sonntagsbibel”

📖 *Letöres dla gran festa dla consacraziun dla dlijia - Segra de düc:*
1 Resc 8, 22–23, 27–30 | 1 Pire 2, 4–9 | Jan 2, 13–22

Edema liturgica dai 09.10. ai 16.10.2016

DOM 09.	28. domegna ia por l'ann FESTA DAI MINISTRONC	<i>Dionisius, Johannes Leonardi, Günther, Sibylle</i>
08:30	gran messa por dōta la ploania	<i>oferta por i debojūgns dla ploania</i>
10:00	s.m. a Al Plan	
Lön 10.	<i>Daniele Comboni, Victor, Gereon</i>	
07:30	s.m. a Al Plan	
Ded 11.	<i>Giovanni XXIII°, Bruno</i>	
07:30	s.m. por +ti Ellemunter dal Pinter s.m. por + Anna Maneschg ved. Agreiter, Alnei	
Dem 12.	<i>Maximilian, Herlinde, Gottfried, Serafin</i>	
18:00	s.m. a Al Plan	
Jöb 13.	<i>Eduard, Andreas L., Aurelia</i>	
19:30	s.m. de ringraziamont dla vita por Metilde Frontull ved. Vollmann s.m. de ringraziamont dla fam. Angelo y Daniela Comploi, Curt s.m. por fam. Jan y Teresa Taibon, La Pli	
Ven 14.	<i>Callistus I., Burkhard, Alan</i>	
07:10	s.m. a Al Plan	
Sab 15.	<i>festa dla consacraziun dla dlijia Tarejia de Gejú (d'Avila), Aurelia</i>	
07:30	s.m. de ringraziamont s.m. por + Sr. Wilhelmine Taibon	
13:00	sön Fanes, s.m. da noza por i nüc Albert Palfrader y Veronica Ellecosta	
18:00	s.m. prefestia a Al Plan	
DOM 16.	GRAN FESTA DLA CONSACRAZIUN DLA DLIJIA Segra de düc	<i>Hedwig von Andechs, Gallus, Margareta Maria Alacoque, Sophie</i>
08:30	gran messa ciantada solena por dōta la ploania	
10:00	s.m. a Al Plan <i>oferta por i debojūgns dla ploania</i>	
ampola:	por fam. Brandlechner, Sotrú	
ministronc:	▶ da doman y domegna: Nadia y Armin Frontull ▶ da sera y domegna: Anita Brandlechner y Federica Ellemunter	
i recordun:	Heinrich Obojes, Al Plan	+ 12.10.2014
	Vigile Obojes, Al Plan	+ 13.10.2013



Oraziun dai "Minis"

Gejú Crist, tö s'as cherdé tla comunité dai cristians.
Canche i s'encuntun te to ennom este tö pa nos. Y de cösc te sunse reconoscionc.
Tla santa messa orunse te sorví te y dōta nosta comunité. Iolan che T'es entrés pa nos. Amen.



Oraziun dla Schira Jonila

Signur, tla Schira Jonila sunse na comunité, co oresss vîre desche tö s'as ensigné.
Adöm podunse diventé compagns y se divertí.
Adöm él ince plü saurí da afronté nüsc pici y gran problems.
Deidesse a tigní adöm y a se capí önn con l'ater.
Al ne s'an dess nia ester anfat, desche ara ti va al ater. I te dijun iolan che i podun dé ennant ligreza. Iolan che t'es entrés pa nos. Amen.



Wie Liturgie feiern und leben?

Jesus Christus ist die Mitte unseres liturgischen Feierns. Er ist der Erste und eigentlich Handelnde. Seine Gegenwart im **Wort** und im **Sakrament** ist uns Kraftquelle, Inspiration und Orientierung. Als feiernde Gemeinde macht dies die Kirche den Menschen erfahrbar. (Synode, Visionspapier, 258)

Das Leben der Gemeinde ist von vielfältigen Gottesdienstformen (Feier der Sakramente, besonders der Eucharistie, der Sakramentalien, Tagzeitenliturgie, Wortgottesfeier) geprägt, die alle eine klare Struktur aufweisen. Zusätzlich bereichern freie und geprägte Andachtsformen (Eucharistische Anbetung, Andachten, ...) das gemeinsame Gebetsleben. (Synode, Visionspapier, 266)

Wortgottesfeiern werden aufgrund ihrer eigenständigen Bedeutung in den Domkirchen, in allen Pfarrkirchen und den Orten, an denen sich die Gläubigen zur Feier der Liturgie versammeln, regelmäßig als Gemeindegottesdienste gefeiert. Sie haben in der Gottesdienstordnung ihren festen Platz. (Synode, Maßnahme 377)



Unité Pastoral Val Badia

Edema dla Fede, 16 - 23 d'otober: "La fede mo dá ligreza?!"

domegna, **16** te vigne ploania, **messa de daurida** dl'Edema dla Fede
lönesc, **17** 20:00, La Ila, scora mesana mesa torona:
La fede mo dá ligreza?! porsones porta dant söes esperionzes
dedol., **18** 20:00, San Ciascian, salf "A. Rina"
Referat sön le tema de P. Josef Hollweck SVD
dedem., **19** 20:00, La Val, dlijia, **Espi da festa** con le cor de dlijia
jöbia, **20** 20:00, Al Plan, salf dles manifestaziuns, **sera con le vesco Ivo**
sön le tema "**Le Vangelo de Gejú Crist, fontana de ligreza o de tema?**" le vesco dá respötes a nostes domandes y nüsc dübi
vendres, **21** 20:30, Corvara, dlijia, **Festa dla Fede con i jogn:**
al sona y cianta i cors Provaxis, Mosaic y Antervoisis
sabeda, **21** 09:30 - 12:00, San Martin, palestra, **festa dai cresimanc y cresimés**
domegna, **23** Badia, **festa de conclujiun sö Oies:**
17:30, **prozesciun** con cianderes da Badia a Oies
18:15, a Oies, **santa messa** con le cor de dlijia da Lungiarü.